

皇明經世文編

皇明經世文編卷之四百六

華亭

徐孚遠闇公

宋徵璧尚木

選輯

陳子龍臥子

吳嘉胤繩如

文 秉文孫參閱

郭中丞三臺疏草

疏

郭惟賢

收全書議香稅疏

後書香稅

臣本鶩下叨役全楚隨事修舉一意安靜以撫綏民生者臣之職也思為政不在多言務在力行以振勵



吏治者、臣之心也。惟是職可得爲、而事關於全省之命脉、不能不仰仗于天語之叮寧、心所欲爲、而事出于九重之特恩、不得不懇祈于聖明之採聽者、臣謹爲皇上陳之。其一日、議全書以定徵派。夫楚省常賦多逋、弊竇叢積、其故謂何、則以賦役全書之增減靡定、而各屬難于遵守也。是書刊布已久、自議條編後、夏改者再矣。臣自受事以來、見各道府議詳增派者不下數十起。臣以爲寬一分、民受一分之賜、今民力詘矣、又重復議增、不惟朝令夕改、民難與

守、且慮竭澤而漁、楚民不堪命也、曾面與司道商訂、以爲寧節毋濫、寧因母更、近該各守巡道呈蒙巡按監察李御史牌行議將錢糧、專委官解、免僉糧里、乞增扛價以恤解官、并增入全書等因、又卷查先准戶部咨、爲國計匱甚、經用難支、事行據布政司呈議、裁過通省各衙門冗役工食銀兩、及先據糧儲道呈孝感等縣撥歸潞府莊田租課原額漕糧改編耒陽等各縣應改全書等因、行司道查改、并依限完報去後、臣思人情多由簡而趨繁、事體率始儉而終侈、故愛

民必先節用，而節之云者，非酌爲中制，畫爲定規，則便于此，或不便於彼，行于今，或移于後，徒滋煩擾矣。益也。及查先年委官收修全書，因冊煩緒多，弊難究詰，馬戶各役買囑吏書，徑增馬價工食者有之。各州縣避就重輕，徑自移派別州縣者有之。又有全書雖定，私自額外派徵，如安陸縣士民張鳳翔等所呈歷年積弊者，不一釐正之，其何以蘇民困而定法守，合無遇今清補潞府租課之時，將孝感、未陽等縣改編漕糧，及革過冗役工食，增過扛解銀兩，通諭小民，俾

知增者爲何，減者若干，查將各處易知單內酌議，應仍舊者仍舊，應增者不至于濫觴，應減者不至于窒礙，各改正畫一。其委官舊例止委二員，在省檢閱，第楚境廣，幘楚邑星列，彼安能以有限之見聞，覈全楚之利病，定全楚之賦役。須每府額委練明府佐一員，就近查理州縣條其目，各府正官與委官總其綱，叅酌妥當，方轉報司道覆覈，轉呈臣等撫按衙門酌議。發委官監刻刊布，遍給小民，條其目者，必詢察民情，裁度適中，毋妄增而不思酌減，毋混減而不求可繼。

總其綱者必共秉公平力革積弊毋偏爲各屬謀而不爲他郡謀毋專爲官謀而不爲民謀蓋官府多樂于寬餘而民情多利于節省必以便民爲主而又官不稱累斯計之得者及查官解一事旣可省編僉之擾又可革私派之弊法固稱便但各縣銀解本府府必兌足類齊差官起解恐奸吏積胥入旣勒捐加耗旣病州縣出則短少秤頭又妨解官且二三年後官派旣足私派重起是亦當曲爲防預爲之禁也如委官及府州縣官議派多弊致重累民者并改正之後

復有不遵全書再行妄增加派者俱聽臣等指名查  
奏此全書之所當議者也其一日議香稅以濟之  
臣去冬入境受代趨承天府恭謁顯陵道經五郡  
見廬舍蕭條蒸黎凋敝之狀所至召父老而問其故  
僉云楚民不辰十室九災室如懸磬幾爲溝中之瘠  
臣聞而痛心嗣據司道呈詳辰沅缺餉嗷嗷待哺已  
經議照例查完欠分數具疏申飭外比宗祿又日告  
急矣災傷年分奉旨蠲停者旣無從抵給而荆府奏  
欠祿銀一萬九千又無從處補百計搜括公帑成空

一時諸司束手無措，臣籌度再三，中心如疚，詢之各官，因知有太和山香稅不貲，可以急地方之困者，本山勅自永樂初年，原以其神靈陰佑國家，有功于民，祀之，四方虔禱祝獻者，肩摩踵接，遍年香錢所入不啻數千兩，曩時分守下荆南道一員，駐劄均州，奉勅提督一應香稅，委官收理，盡歸官庫，所從來舊矣，自該道移鎮鄖陽，而後內監專董其事，內監官不便監守，又委之均州所千戶，及各官提點分理收貯，此輩紈袴之子，披緇之流，始蟻聚而貯之私家，繼漏卮而

獻之公府、公得十之三四、私匿十之五六、蓋武弁羽士、藉本山爲奇貨、而壟斷罔利、又恃內監爲門屏、中有借口焚修、徒充囊橐者、卒使四方之香客、虛負虔祝之初心、而數千之積鏹、終委之溪壑、而莫恤也、卽山靈有知、亦痛惜之矣、查得東岳泰山、歲有香稅、該省委佐貳官收解、爲省會官員俸鈔之用、東人得免派辦、迄今賴之。今太和之利、埒于岱岳、而楚地困乏、比東省且倍之、我皇上旣不惜泰山之稅、以惠東民、何獨惜此太和之稅、不以解楚人之懸困也、且宗

親者 皇上之一體也、軍民者 皇上之赤子也、山  
靈永鎮一方、將爲地方造福、何不捐其有餘不盡之  
利、恤懿親、濟羣命、致神明悅豫、永綏萬壽之祉、而長  
固丕丕之基乎、合無議將香稅、聽分守道、同監官照  
舊兼提、每歲輪委郎裏二府廉幹佐貳官一員收掌  
之、除焚獻禮儀、定爲規則、修飭殿宇、隨時估支外、其  
餘稅銀、委官收完解府、轉解布政司貯庫、非遇災傷  
急缺、不許動支、此香稅之所當議者也、

潞課疏

潞課

臣謹會同按臣議看得潞府養贍租課將承之億萬  
斯年永無極也原係請景府遺業自足當景府額數  
但在景府時因奸民混捏妄投徒張虛名未獲實惠  
卽楚中父老猶能談之臣奉命以來欲留有餘不盡  
之利以爲皇上惠此一方民者臣之心也而仰體  
皇上友愛周親之意以爲潞府求足原額者則臣之  
職也爲是督率司道每勘議必會該府之差官申飭  
郡縣每勘覈必披經丈之文冊舊缺少者計畝而加  
州縣無漏報之課新淤生者履畝而丈佃民無隱射

之奸或因過重之難輸而攤派通縣以分其累或因疲邑之難供而抵派曲處以充其數大而田地河塘小而房租屋基以及于沙湖所太陽腦等處楚府退出原管之業俱經司道委官一一清查明悉所據呈報新增過租課共銀二萬五千餘兩先年景府尚多虛數今則盡爲實數內江夏以附省衝疲之邑漢川以八里彈丸之區卽通縣田地止有此數今在江夏增二千六百七十七兩在漢川增至二千兩在各官業已智盡力索在地方見爲竭澤而漁卽潞府差官

亦且目擊民艱、相安無言矣。及照住俸各官如布政司左布政使王應乾、分守武昌道左叅政趙欽湯等清查脩極苦心、報竣未甚違限、原住俸糧相應題請開復。其河泊所計二十六處、課既歸府、官應裁革、以後俱免銓補。至于徵收一節、比見湖省百姓擁道號呼、告者接踵、臣爲之惻然。詢其故、則有謂官較書辦各役、勒取使用者。有謂官較多索火耗、每兩額外加四五錢者。有謂銀已收入、因銀數未足、次日徑不認發收票者。夫三楚之地、湯沐之重地也。三楚之民、

皇上之赤子也。以潞王殿下賢明超邁，豈不為陛下

下念此，惟是官較誅求之擾。潞王必不得而知也。楚

民疾苦之狀，潞王必不得而聞也。臣等竊謂差官違

○有之紀之極之小之民之計之之○凡之皇之莊 皇 帝 皆 然 故 以 有 司 徵

徵原不若有司徵解為便，以楚人剽悍之俗，曩濫荐

解為便

仍之後，萬一各役需擾，激生他事，所關于國體者不

細，必欲為令終之計，惟行令各該有司，依期徵解，布

政司類解，有拖欠者，仍聽臣等每歲終查叅，要于盡

完，既以撫安湖湘子遺之黎，且以仰成賢王仁明之

譽，此公私兩利之長策也。倘以自行徵收，奉明旨必

不可已，則隨從獨不可減，俾有定負乎。火耗獨不可裁，俾無過重乎。使用獨不可革，俾無橫索乎。減一人，卽省一人之費，裁一分，卽溥一分之惠，課不省，民不傷，驛遞不騷擾，奈何其不爲之計也。伏乞勅下戶部，再加查議，合無俯將江夏、漢川、沔陽等州縣增補課銀，查照數目，自二十二年爲始，行臣等將新增者，行有司照數派徵，通將勘過各處四至，委官明立疆界，豎石封記，以垂永久之業，以杜投獻侵占之弊。仍將司道王應乾等題請開俸各河泊官咨部裁革，起送

別用、并將徵收應祛各積弊、逐一查議覆請定奪、其爲上下裨益、良非淺鮮、再照頃者襄漢水溢、景陵漢川等縣、廬井漂溺、惟時無論里民、卽佃民流移者過半、乃里民今有稍稍復業者、而佃民尙蓬飛萍散、絕意舊棲矣、此何以故、里民被災者、自計猶得覲恩蠲停徵督、而佃民則督責猶故也、取盈猶故也、又有從而腹削之、漁獵之者、彼亦安能以懸磬之室、充系黍之額乎、此所以易去其鄉、計不返顧也、臣伏覩大明會典內開皇莊及皇親公侯駙馬伯等官莊田、如遇

災傷俱令照依民田災傷分數徵收。夫曰皇莊官莊。而藩租可例已。今以各省直之民。田地一遭災傷。皇上猶然下蠲租之令。不愛常賦。以寬天下之民力。而潞王獨不可依此例。議從寬恤乎。倘荷特旨。仍令照民田災傷事例。量行蠲免。庶幾哉窮民易德。流移可復矣。

酌議兩省班軍疏

粵西湖省戎守

據守巡下湖南道會呈奉臣憲牌前事。議詳衛州長沙寶慶三衛戍守武岡州軍士。分班減派口糧。并寶

慶寧遠永州三衛戍守廣西思恩軍士仍應撤回守  
柳州緣由到臣該臣看得國家之設鎮戍也或以腹  
裏移守要害如長沙寶慶衡州三衛之戍武崗是已  
或以鄰省調戍遠地如寶慶永州寧遠等衛之戍廣  
西柳州是已武崗戍因正統年間諸苗侵掠而設柳  
州戍因弘治年間借兵勦苗而留是皆始于一時之  
權宜而後卒沿爲例也年來行伍消耗如寶慶衛軍  
五千五百僅存一千二百他衛可知已一戶之軍差  
至七八有兄戍粵西弟守武崗者有叔克城操姪赴

遠調者。有班滿回家。而屯局門哨之差。且駢至者。皆以數戶。塚一軍。今以數軍。累一戶。在塚戶丁繁者。猶可言也。單戶子身。倏來倏去。歲無寧日。終歸于斃耳。及今不爲撫恤。將來卒何底極。語曰。亡羊補牢。未爲晚也。倘亦其時乎。臣等竊謂武崗之戍。除該所操軍外。衡州長沙寶慶三衛班軍。載在全書者。一千二百四十八名。月糧原衛關支矣。歲支行糧六千七百三十九石二斗。本折派在武崗桂陽新化州縣。冊籍可考也。合無卽以一千二百四十八名。隨原衛多寡分

爲上下兩班。衡州衛上班軍三百一十名。長沙衛上班軍一百九十名。寶慶衛上班軍一百二十四名。下班名數亦如之。逐年更番輪戍。以均勞逸。屆期聽領班官管押上班。在武崗下班者不許就派廣西。在廣西下班者不許便派武崗。必休息一年而後可。其行糧上班則給。下班免給。應派應留。應裁。悉聽該道議。于前項三州縣。通融均攤。臣之議此。豈徒區區爲節財省浮計哉。良以貧軍窮伍。終歲不得休息。動輒怨咨。而不肖武弁。巧立名色。替役有折見。上班有賣間。

居則有柴火。行則有輜重。領班指揮。歛之以充守備。之常例。而半入私橐。雖經嚴禁。積習未除。是軍之多調。乃官之奇貨也。盡留則病軍。盡撤則失備。孰若更番分班。使兵食具足之爲一舉兩得也。且三衛地方。離武崗非遙。萬一有意外之警。可以一呼輒集。首尾相應。于牖戶之防。尤保無他虞者。此湖省武崗班軍之所當亟議者也。若廣西一班。則凋瘵哀憐之狀。見一衛所未全。故借力于此。其實慮自募土。看克之一之道。府所陳者。令人涕泗交頤矣。粵西地故荒涼。兵力多資湖省。易戒震鄰。傳稱同舟。分兵代戍。先年既

以楚卒戍桂林。想以初制後中。

有成例且所撥者不止寶慶永州寧遠三衛卽長沙  
衡州岳州諸衛亦有之臣等何敢偏護一方士卒不  
爲唇齒輔車之慮第伏觀大明會典內開湖廣寶慶  
寧遠永州三衛官軍赴柳州城操守其餘長沙衡州  
岳州夷陵四衛所官軍俱留廣西城操輪流巡哨府  
江一帶地方再不許分撥重瘴地方令甲昭然在也  
乃今思恩一哨雖業經彼中前任撫臣題請第寶慶  
去西粵二千餘里戍苦矣又七百里而戍思恩瘴癘  
交侵生還有幾想覓設祭誰不斷腸以故邵陵軍士

目此爲死。戎夫詩人之念。戎役也。有我戎未定。靡使歸聘之憂。有我心傷悲。莫知我哀之嘆。猶云有歸期也。今且投荒就死。莫必其命矣。以茲至慘至苦之狀。視彼且十倍之。安得不爲之憫其情。而甦其困者。臣讀右江道龔叅議之議。詳與撫按諸臣之批語。固已痼瘵共切。優恤同心矣。矧向也鋒鏑未寢。羽檄猶飛。縱疲于奔走。亦何辭之與有。方今烽煙久靖。夜戶不扃。思恩一帶。已鮮萑苻之警。焉用此疲卒附綴爲也。土著之募。右江道既有定畫。而扣留糧銀。柳州府見

貯在庫則實慶思恩一哨與寶慶哨其苦一也寧遠  
衡州長沙岳州等哨與永州諸哨其情均也或分兩  
班或免遠撥則尤 朝廷破例之恩亦粵西諸臣一  
體之念也再照寶慶調戍柳州額軍三百近年消耗  
稍不及數嗣以一百調思恩卽柳州自有爲守者已  
無藉此百人矣倘得此百名撤回該衛將柳州見在  
班者查明籍數逐年選擇精壯以往則捍禦得人緩  
急足賴而寶慶之操演城守可不致缺乏斯非兩利  
之筭乎此廣西班牙軍之所當亟議者也臣職在撫綏

其于士卒、分當甘苦同之、而諸種種情狀、得之聞見、頗真、用是據實披瀝、伏乞 勅下兵部再加議覆上請、如果臣言不謬、將長沙寶慶衡州三衛、戍武岡軍各照數分班、照班給餉、行臣等欽遵施行、仍行廣西撫按官、將寶慶及永州二衛近調思恩一班、照前議撤回、并將寧遠長沙衡州岳州等哨、一體議恤、則不惟兩省執戟之夫、可望更生之賜、而 聖天子南顧之懷、亦少紓于萬一矣

甲明職掌疏

鹽法

臣奉南京都察院劄委掣鹽除一面遵照近題季掣事理行批驗所催鹽船及期赴掣外卷查得淮南水商解綱小鹽例赴南京石灰山關聽御史掣驗遇有夾帶及鹽斤短少者問罪罰贖完日將銀兩解貯南京戶部轉解濟邊此法相沿已久諸經管者亦多悉心清理似無容置喙矣但臣謬承差委隨詢之民瘼采之輿論因得于事例之可做而行者其何敢以無說而處于此臣惟國家之設官分職也職在錢穀則理錢穀之務職在糾察則理糾察之務如南京工部

龍江竹木抽分。專委主事一員管理。而南京各道御史。不過監督之而已。蓋惟有專官。則事易責成。惟有監督。則弊無從滋。于協心共理之中。寓相維相制之義。法莫善乎此也。而何獨鹽政一差之有不然哉。臣竊有以喻之。今夫千金之家。舉所積聚。悉掌握于一人之手。爲費易耳。使有一人者掌之。又有一人者朝夕按簿牒督而稽焉。卽欲恣費。不已難乎。理國計何以異此。夫鹽政賦罰。俱解貯之于計部。又經計部轉

然設官多則支費亦多

解。則此項銀兩。乃南京戶部錢糧。雖聽該部委官分

掌之可也。既可以貯該部之帑，獨不可以協管于該部之官乎。即使委及于御史，亦止宜做監督抽分之例。查其船隻之多寡，若何覈其贖鍰之贏縮，若何所謂一人掌一人督而稽焉者也。奚得獨理之而獨專之耶。何者。臣臺臣也。職叅糾察。錢穀之務自有司存。而非臣之所宜專也。借云此項銀兩係批發上元江寧二縣收貯爲務，頗簡似不必別委以分事權。然而政關利源，則稽查宜慎。利經多手，則奸弊易生。與其經臣之批發，又經該縣之追收，而後傾銷解部展轉。

之若此煩擾也。孰若以該部之銀。隨該部委官掣收。而以臣監督之。于法不尤爲直截。于事不尤爲歸一乎。方今朝政清肅。百度惟貞。諸凡省直之贓罰。俱欽奉明旨。諭令撫按互相稽查矣。矧其掣鹽之務。其所關於邊餉之需者。事亦非細。烏容循循于故常之安。而不爲之所也。伏望勅下戶部都察院覆議。如果臣言不謬。乞照南京工部抽分之例。行令南京戶部專委主事一員。臨關秤掣。仍咨南京都察院。輪差御史按季監督之。其餘應行事宜。悉聽所司從長詳議。如

有營私罔公。減少國課者。容臣指名叅究。庶乎責任專一。而臣工之職。掌不渝。稽覈詳明。而軍需之訕。乏有賴矣。再照理鹽固所以足國。而足國莫先于惠商。所謂惠商者。豈必蠲其常課。而可取之利。盡置之于不取哉。興一利。莫若除一害。而省一分。則商受一分之賜。惟去其所以害商者。而其所以利商者自在也。臣聞鹽商之赴縣納銀也。全憑保欵攬納。此輩多積棍無賴。詐稱勒騙者。旣指一而科十。甚至攬銀入手。卽挈家遁逃。縣官急于完繳實收。仍拘正身。重複賠

納。商人敢怨不敢言，此包攬之不可不嚴禁者一也。

掣鹽之法，數多者罪擬夾帶，短少者罪擬盜賣。緣夾

帶納贖，重于盜賣，故秤後遂因而上下其手。需索已

○此○掣○鹽○之○通○弊○

遂，卽爲報數少未遂，卽妄報數多，自非躬親截查，則

增損任之而已。此秤掣之不可不親驗者二也。鹽商

投文到關，每名私送該關官吏共銀三錢，以千名計

之，則數盈三百矣。又歇家指稱各衙門使用名色，每

船一隻，索銀一兩，以千隻計之，則數盈一千矣。多方

剝削，營費不貲，此常例之不可不嚴禁者三也。又經

收吏役，勒騙火耗，每兩多至一錢，少亦不下四五分。故一遇罪單到縣，吏役往往爭收。夫商既變鹽價以入之官矣，又辦罪贖以輸之官矣，吏復勒其耗餘而取之，彼所獲幾何，而能當此誅求之困耶。此耗餘之不可不盡革者四也。以上四弊，均爲蠹政病商之尤者，臣竊謂商人之熙熙爲利來也，固將徼其贏餘以博富厚也，乃各商之腹彼以生，而使之無以爲生者，其弊類若此，如不及今明禁，安保夫改差之後，寧無營營射利之後，尋踵故轍，而恣害者乎。伏惟 聖明

留意併勅部院議覆容臣遵照施行如有蹈前弊者  
重治之如此則宿垢盡剔而實惠暨沾富商輻輳而  
赴掣恐後其于鹽政未必無萬一之裨矣

皇明經世 編卷之終

皇明經世文編卷之四百七

華亭

徐孚遠閣公 陳子龍卧子

選輯

朱徵璧尚木 吳培昌坦公

朱用霖其侯參閱

蕭司農奏疏

疏

蕭彥

竭愚忠陳三議以備聖明採擇疏

吏治兵事河道

臣聞明君之致治慮必周於萬全忠臣之事君言不嫌於過計况今 聖明御極正臣子效忠之秋災異

皇明經世編

蕭司農奏疏

吏治兵事河道

平露堂

類仍、尤上下修省之日、臣以外郡末吏、荷蒙 聖恩  
拔置言官、遭逢若此、而猶不竭其款款之愚、以冀補  
報於萬一、是上負 陛下、而下負初心、臣不敢也、謹  
以見聞所及、有關於當今時務者、總括三議、爲 陛  
下陳之、惟 陛下留意、其一日、議吏、臣惟生民之休  
戚、在守令、守令所以寄民命者也、恭遇 皇上加意  
吏治、旌卓異、懲貪酷、天下喁喁向風、已而議者猶謂  
吏治未盡復古何也、臣以爲文移之當裁也、物議之  
當覈也、昔人云、爲政不在多言、文移之多、吏治之所本原之當敦也、夫上之所以流通於下者、文

以口表也。然有不。可。省。者。以上。欲。勝。下。之。與。端。而。下。移。而。已。疏。則。玩。煩。則。擾。其。弊。等。耳。臣。觀。之。有。司。所。謂。欲。明。已。之。有。守。日。循。而。至。于。頃。刻。耳。

文例日增而不足吏議日異而不足蓋有之矣如一錢糧也所降發之冊式凡幾如一獄訟也所批發之

詞狀凡幾如行一令也應通詳之衙門凡幾如遣一

吏也應倒換之循環凡幾蓋名雖守令而其實簿吏

不異矣下之有司日疲其精神於文移遲速之間而

不暇行乎其志上之監司日用其精神於文移依違

之間而不暇先乎其大有司既苦於煩一一而經心

不能也勢必授之吏書而應之以文具監司又憚於

煩。一一而經目不能也。勢必假之吏書。而行之以姑息。上下交受其病。而彼此俱失其職。坐此故也。臣非以文移爲可去也。臣惟朝廷之設官。撫按總督司道。司道總督府州縣。其統轄有定分。而人臣之受職。或錢穀。或刑名。或專制。或兼攝。其詳略有定司。欲吏治之復古。莫若明其職掌。省其文移。司刑名者不必兼夫錢穀。司錢穀者不必及夫刑名。專制者理其目。兼攝者理其綱。前令可因。何必作聰明以更舊章。有司當先。奚爲以一人而侵衆臣。賢者聽其展布。務省事。

毋務多事。不賢者。厭其簡黜。務更人。毋務更法。而弊所當覈。例所當舉者。或一年已終。或半年以裏。撫按覈之。司道。司道各以其職。覈之。府。府覈之。州。縣。蓋文約則簡而易行。力專則詳而不漏。省一詞。訟則省一民。害減一冊。籍則減一吏。弊其視之。徒煩而無益者。功相萬也。文移裁矣。而是非不明。則賞罰無當。是非者。上之所據。以賞罰者。顧是非遠而不能達者。則小民之公論也。其朝布而夕達者。則衙門積姦。地方巨豪之浮議也。浮議一興。雖有賢者。無由以自明。而浮

議既播雖有知其賢者不能以不惑是以太阿之柄  
倒持於下而推畏之風日習於上邑有大事則謹而  
避之耳邑有大獄則解使去已耳長陵夷之漸阻任

事之氣其所係豈渺小哉近如山東萊陽縣丞朱希

丞甲官也為物議所中猶能廉實則當時吏治亦尚

召幾為物議所中向非撫按覆覈則希召又繼劉庠

可親

而後矣天下之廣獨一萊陽丞哉臣愚以為風聞言

事可例於在內之科道而不可例於在外之撫按可

用於中行之庶官而不可用於按屬之有司請乞通

行各處撫按務精簡別毋惑飛語寄之耳目者必先

問其所寄之人得之傳聞者必覆查其所聞之事舉  
劾務求其當毋徒取盈於舊額賊私務得其真不在

大抵秋單不必全實

張大其數日。至爲某人爲某事受賊若干。如此之類  
苟非灼見其然。毋得遽入章疏。而挾私駕空。私遽揭  
帖。擅刻謗版者。仍加重治。以爲地方之警。庶甄別明  
而勸懲當。吏治修而民志定矣。然本原不講。則吏治  
皆苟而已。臣聞之曰。有不忍人之心。斯有不忍人之  
政。夫心與政相因也。又曰。善治者無赫赫之名。夫名  
與實相勝也。今之吏。誠心愛民者固多。而炫竒賈譽

者不少。以歛怨爲任怨，以憤事爲幹事。弊未及剔也，卽一皂一夫之查革，則汲汲而申詳，以爲吾能剔弊。如是利未及興也，卽一牌一票之施行，則汲汲而暴白，以爲吾能興利。若是苟當上意，毋論民心，苟快目前，毋計日後。至於墾田里，招流移，興教化，勸農桑，爲治道所最先者，漠然若不與吾事矣。譬之象貌，徒存而神氣不貫，於元元何補哉！臣愚以爲評品吏治，宜先其心術，以及其政事。一念爲民事，求實際者，上也。卽悶悶無華，上之人當最之矣。一念爲己事，求虛聲

者下也。卽赫赫炫人，上之人當殿之矣。監司以是爲賢否，銓部以是爲勸懲，間於惻惻之吏，拔其一二以風在位，則意向所趨，而天下之民牧，有不回心向化者鮮矣。此今日之吏治所當議也。其二曰議兵。恭惟皇上聖德格天，北虜款塞，逆夷授首，天下欣欣，享太平之慶。顧臣聞之，天下雖安，忘戰則危。帝王之兵，以全取勝。先年議許貢市之初，非遂以爲長策也。蓋曰姑餌虜人以修我備而已。經今數年，而邊備如故。一有警報，且然且否，而將臣已倉皇告急矣。則今之邊

事豈非所當亟圖者哉。臣不諳邊事，姑就臣所見，則勝筭之當定也，招降之當慮也，遼左之當備也。李牧備胡，趙充國備羌，其初皆落落不合，或遣人代將，或移書詰問，然二臣持之不變，而卒之却先零，降匈奴。若持左券以取償焉，何者？彼其中有定見也。此兵家所謂筭也。今之邊，其有筭乎？無筭乎？平居僥倖以苟免，有事張皇以掩敗，卽稍稍自見者，亦嘗試而漫爲之耳。夫少算猶恐不勝，而况無哉。臣愚以爲今之大將，旣不能必如李趙其倫，然亦宜擇其智勇兼長者。

任之寬其文法許其展布一應邊事悉聽籌畫如各鎮之中要見某弱某強某爲虜所生心之地則某鎮當備某鎮當援如一鎮之中要見某強某弱某爲虜所必由之途則某堡當備某堡當援墩臺修矣守墩臺者有無缺乏芻糧備矣給芻糧者有無科尅華夷有定限也禁邊將之私交以杜其玩狎之漸市貢有定則也抑將來之過求以堅其攝服之心可守則守無藉手於班軍當戰則戰毋塞責於搗巢舉此數端餘可類推仍乞通行總鎮諸臣各悉所見具聞於朝

務末必勝之筭。以收不戰之功。較之虜至而倉皇者。

果孰為得失哉。然招降近例不及今。一處臣恐有筭

之所不及者。臣惟用間招降。可施於臨敵而不可施。

於平時。可施於中國之脅。從而不可施於夷狄之異。

類。臣不敢遠引覆轍。請以我國家証之。陝之有把丹

也。自太祖始也。至成化丁亥。而李俊滿四等遂有

石城之變。連師數月。徵兵五萬。僅乃克之。計所戕傷。

蓋一伯三都督。數千官軍矣。夫休養於百年。猶稱亂

於一旦。降夷之不足恃。此其明效也。頃隆慶元年。以

來。先後建議。開歸路。散逆黨。爲中國流移者。設耳而  
乃以類報降夷。與回鄉人口。共議陞賞。則例。卽今九  
月內。兵部題覆。如遼左。邵那哈等。亦不少矣。夫邊臣  
動於陞賞之利。則其招徠之必力。而招徠之術。臣以  
爲非計。而誘之。則利而陷之也。以計誘而喜。則必以  
計窮而悔。以利陷而親。則必以利小而疎。而邊塞之  
險。與彼共之。虛實之備。令彼知之。萬一有李俊滿四  
者。構於其間。又萬一虜謀不測。故布親信於塞上。迺  
駭而圖之。其將有及乎。况中國之大。初何籍此夷類。

而夷種之繁。又豈吾之招徠可得而孤其黨者。則亦何利而爲之乎。臣愚以爲回鄉人口。宜仍舊例以勸來者。至於招徠降夷。一切罷絕。以杜邊釁。以銷後患。卽今所已招之夷。亦宜漸次密圖。移於稍遠處所。以絕其交通之路。先事而防。乃無事矣。臣觀近年邊報。徃徃在遼左。然又徃徃報罷。臣竊惑焉。豈虜已壓境。邊臣以計免耶。抑狡虜故勞我師。俾異日者卽有報不爲意耶。邊臣計免。則漸不可長。虜人懷詐。則變不可測。况遼左之地。曠衍難守。寧前之兵。單弱不支。則

遼之未可息肩不在薊之下也。而抽軍入衛。歲以爲

遼兵入衛有

常。夫寧夏延綏之入衛。是以遠衛近也。然識者猶謂

損無益宜俱罷之

非計。徒損軍數。無益實用。已非守在四夷之意。若遼

薊接壤。義同唇齒。遼兵寡矣。而又衛薊。是益其寡也。

臣未見遼受敵而薊可安處者也。曩者薊無勁兵。故

藉徵發。今練兵數年。而入衛猶故。則所謂練者安在

哉。臣謂遼左一鎮。以寧前爲咽喉。寧前又薊遼適均

之地。合無將前入衛之軍。至期移駐寧前。擇官訓練。

薊有警則出而衛薊。遼有警則返而援遼。不則以助

寧前之防守。此亦兩利而俱存之計也。其他備禦之策。責在總鎮。加意圖維。無如臣前之說。墮其術中。則虜雖黠。不爲患矣。此今日之兵事所當議也。其三曰。議河。臣聞漢唐宋不皆資漕於河。然未嘗不治河者。河之患。不獨在國計。在民生也。頃蒙皇上允部臣之請。議開膠萊河。以備運道。貽國家億萬年無疆之休。而聖諭又終之曰。與治河事務不相干涉。大哉。皇言。其明見萬里之外者也。臣觀今之河患。亟矣。上流旣壅。下流日以淤。瀾漫千里。勢若滔天。極目蕭條。

人煙一空。泗州要地也。湮沒之餘。僅存一門。清江浦巨鎮也。官舍之前。不通徒步。而淮之北堤。勢已不支。及今不治。河不趨而淮不已也。趨而淮是無淮也。無淮是無通泰諸州縣也。而高寶湖水勢如建瓴。是無二湖也。乃治河諸臣。未有以淮泗爲念者。豈其智不逮哉。運道所由。命脉係之。故其精神。用之挑淺護堤。以救燃眉之急。猶且不暇。况及其他。今運道有別議矣。治河之策。可泄泄不亟講乎。臣考之邇來議河者。非一人。亦非一說。或謂上自清河。下至安東。疏濬淤

泥。或謂專意清河草灣。或謂疏海口并呂梁積淤。臣固不能臆度其孰便。而河之不可不治。則臣愚斷以爲今日之務。未有急於此者也。臣亦知今之治河甚難。濬海口則潮汐爲崇。尋別道則水性難回。然千里之沃壤。兩地之民命。泗州之祖陵。淮南之運道。胥係於此。可委之無可柰何而已耶。臣謂及今水涸。宜令河道大臣帶同熟於河道司屬二三人。下沿淮安上遡潼關。逐一相視。孰可分其流。孰可殺其勢。孰可救目前之急。孰可圖末世之安。計畫停妥。貼圖立說。

具奏施行。以固 祖陵萬世之基。以全淮揚二郡之命。而淮安以南之糧運胥賴之。以永利矣。或曰。如財訕何。則臣又有以折之。自水患以來。淮陽諸郡。無一歲不蠲免。無一歲不賑濟。今誠移其蠲且賑者用之於河。費於今而償於後。奚不可也。語曰。涓涓不絕。終成江河。今之患。豈直涓涓哉。此今日之河道所當議也。夫此三者。匪獨臣言之。蓋人人言之矣。而竟未一一底績以副 皇上望治之懷者。何哉。臣又惟天下之事。一實百成。一虛百廢。今朝廷方下務實之令。各

臣工孰不以實政藉口者，而臣恐其所謂實者不實也。夫虛實之間固有辨矣。夫益於國則實，益於民則實。反是皆虛也。臣乞 皇上申諭內外諸臣，毋苟且於目前而務爲深長之慮，毋取辨於簿書而務懷真誠之心，如吏也，實意愛養；若有家者，所以字其子，而不爲粉飾之具，如兵也，實意經略；若有家者，所以防其患，而不爲揆磨之計，如河也，實意料理；若有家者，所以奠其居，而不爲僥倖之圖，同心戮力，無分彼此，專精一志，毋計近小，則天下之事有不足爲，而臣區

區之三議皆贅辭矣、

敬陳末議以備采擇以裨治安疏

時政五事

竊惟天下無不弊之法而貴有救弊之方因其弊而  
調停之則事不至於大弊而民可相安天下所以長  
治無虞率是道也恭惟 聖明御極百度一新海隅  
蒼生舉喁喁焉思見德化之成矣惟是一二事宜當  
調停者臣等職掌所關不敢不具列以聞而 皇上  
試垂聽焉一日積穀夫積穀備荒豈非常策而言者  
往往稱不便甚豈誠不便哉臣以爲有兩端焉有罪

則有贖有贖則有穀。自戍而上。例申詳撫按。曰撫按之贖也。徒而上。例申詳司道。曰司道之贖也。有司不得作數。則有司自理。惟杖而下耳。而杖而下者。幾何哉。又郡與州縣。非分土也。訟而贖者。州縣之民也。災而贖者。亦其民也。而近議者曰。郡自有倉廩。自有詞訟。令積穀有差。卽杖而下。訟於郡者。又屬之郡。已而州縣所自理。幾何哉。於是。有刻意推求。以無力爲有力者。於是。有多方科罰。借民資以遣已責者矣。雖有賢者。亦所不免。雖有嚴禁。不能猝止。其勢然也。夫立

法初議豈其若是而開載未明奉行過當卽今造冊  
奏繳若福建一省各自爲項兩不相蒙其他或舍餉  
支吾不合原式臣以謂州縣積穀制也郡積穀非制  
也是可更也撫按賊罰解京者無論已其二分備賑  
者與司道所詳行而存留者并有司自理通筭可也  
一轉移間而有司者可措手矣卽按成數而查覈之  
降罰如令造報如式奚辭哉此積穀所當議也二曰  
商稅夫商稅倣古關市之意以佐國用胡可已也顧  
法愈詳稅愈重視國初異矣他姑無論卽如河西務

大小貨船船戶有船料矣。商人又有船銀。進店有商稅矣。出店又有正稅。張家灣發買貨物。河西務有四外正條船矣。到灣又有商稅。百里之內。轄者三官。一貨之來。權者數稅。所利幾何。而可堪此。夫船料舊也。條船果舊乎。出店進店可重稅乎。而不落店家徑赴京賣者。彼且未常進店也。一體徵收。何名乎。此萬曆八年該司郎中之議。而今因之者。約所增三萬有奇。而商困矣。商困則物騰貴。而民困矣。獨柰何不一蘇之。爲商民計也。淮安四稅下及脚抽。真同商賈。議者

以爲權宜之術。不可已矣。然不可漸減耶。而日用米穀進出店二稅如河西布疋。通州油篋類者。又不可蘇耶。至於儀真之稅。旣非祖制。亦無重獲。曩言官之疏詳矣。乃以該地方執稱軍餉之充。爲數幾何。不可議罷耶。諸如此類。難以枚舉。此商稅所當議也。三曰催科。夫催科有緩急。錢糧有完欠。三年查叅。所以警人心。足國用之大權也。查得嘉靖三十一年未完五分以上者。住俸督催。三十四年未完四分者。降俸矣。隆慶五年則完不及三十七年未完三分者。住俸矣。隆慶五年則完不及

隆慶五年則完不及

至于今日正洪雅派無不人考成而有司之免叅罰

八分者住俸。又議帶徵矣。萬曆元年。因之。愈議愈增。豈爲不重。而萬曆四年。部臣建議。加八分爲九分。又將未完宿負帶徵二分併筭。則是一年而完十分。以上者。有司者憚於降罰。而敲朴隨之。民力不能勝。而逃亡隨之。此不謂竭澤而漁乎。且撫按每年有查叅矣。該部三年總叅。而又視之舊而加焉。毋乃過乎。臣以爲查叅不可已也。如九分之議。則不宜復筭帶徵。如帶徵之議。則不宜加至九分。所謂寬一分。受一分之賜者也。或曰。今例若是嚴也。而猶有怠於徵者。如

其寬之若何。臣曰不然。今例九分止耳。而有司以全完報者。比比皆是。如其可完。有司者肯以其身為百姓爭升斗耶。卽寬之何損。此催科所當議也。四曰鹽法。今河東鹽法壞矣。自隆慶四年。池遭水患。鹽花不生。而軍餉年例。毫不可缺。於是另招新商。超支報納。以救目前。而舊商壓欠數十萬者。置之不問。而商病矣。鹽花不生。撈採爲艱。於是設法澆晒。以求足數。其行之山西者。則撈者也。其行之河陝者。則晒者也。晒鹽味苦。不可以口。市不得鬻。有司者或別項徵銀抵

價。或抑勒舖里承買。而民間實用反取之。私販而民病矣。撈爲力易。晒爲力難。而鹽丁又病矣。年復一年。弊將何極。易窮則變。變則通。則河東鹽之謂也。臣等竊聞之。池鹽與海鹽異。下有鹽根。上有鹽花。遇風輒生。遇風雨調輒生而盛。今澆晒日行。鹽根日薄矣。晒鹽不減。而欲鹽生之復。不可得也。顧晒鹽非得已也。爲年例計也。變通不行。而欲晒鹽之減。亦不可得也。蓋有丘濬嘗有通融海鹽之議。而管理有分官。行鹽分地。那移一開。是兩損之道。惟是陝西則河東行鹽。

地也。花馬二池。則河東所轄也。在馬池。鹽積若丘山。

文。襄。在。陝。西。時。上。此。議。

而西鳳延漢等府禁不得食。反倚辦於河東之鹽之

不可食者計亦左矣。試舉而轉移之。或令商人納銀

河東支鹽陝西可也。或令河東商人徑赴陝西報中。

照數於戶部扣解山西可也。價有低昂。依時估筭可

也。每年鹽引仍赴河東運司開領。截角各項事體。仍

隸河東管轄可也。或以二池之鹽不可常恃。姑限二

三年後仍照舊不違例可也。如是而鹽丁免課稅約

二十萬引。照先年例酌量納銀可也。在商人無賠課

之苦。在鹽丁無多晒之苦。在運司無拖欠考成之苦。在陝民無艱食之苦。花馬池官鹽既行。私販可息。解池澆晒既減。鹽花漸生。河東事權如故。而地方利病相懸。且什伯矣。破拘攣之見。圖久長之利。奚不可者。而河南晒鹽。應否另議。商人壓欠。應否酌處。河東額課。應否暫減。超支報納。應否多派。舊商悉聽。該地方詳議行之。則救弊安民之大端也。此鹽法所當議也。五日邊儲。臣觀邊儲之匱。未有甚於榆鎮者。孤懸絕塞。四望不毛。十萬之衆。拱手而仰。給縣官。卽今災荒。

幾不可支。米珠薪桂，從來久矣。在朝廷歲增一歲支，持爲難在。該鎮日窘一日，束手無策。間常議復本色，而千里餽糧，既非內地所堪，亦嘗復議河運。而操舟險峻，又非北人所習者。謂宜備用客本，多建倉廩。西則於定邊、饒陽等處收寧夏之餘糧，南則於綏德、葭州等處收興臨、保德之餘糧。彼有餘則加價而糴之，此不足則加斗而散之。要以備不時之乏，而不恃爲正餉焉。是或一道也。果行之，則儲蓄有素，卽甚凶荒，豈至廩廩若是哉。綏葭等處臣不及知，臣彥曩閱定

邊則去歲四月也當其時該鎮銀一錢米七升有奇。至定邊相去四日程耳銀一錢卽得米二斗有奇。由一歲而他歲可知矣。該鎮撫臣及管糧分司皆主前議而分司官宜料理有次第矣。今豈年荒故中輟耶。請仍行該鎮從長計畫。廟堂則責成而主持之。百世之利也。豈獨利榆鎮而已。寧夏饒於田而怠於耕。問之曰。糧賤無所用之。誠有所用之。而人爭力田。塞下實矣。此邊儲所當議也。其他利弊。臣等不及聞者尚多也。臣又惟事無全利。亦無全害。無全非。亦無全是。

宜於此，或不宜於彼，宜於今，或不宜於後。天下事以天下之心處之而已。邇年以來，政誠近苛，然其初亦曷嘗不爲天下哉？而持之以一切之法，奉行者濟之以承望扶同之見，如省官則羣然應曰：某官可省，今請復者卽請省者也；如鑄錢則羣然應曰：某地疏通，今議罷者卽議行者也。如丈量部議曰：糧不失額者免丈，而各地方初議免丈者不少也。自有紀錄之旨而人生羨心，自有切責真願按臣之旨而人生畏心。羣然應曰：某多丈地若干，某減派糧若干，今稱不便。

現此一設別必係江陵附罪後所上立言有體

者卽稱便者也。德意不宜於下。疾苦不聞於上。言不由衷。事不當實。大率類此。待其旣弊而調停之。晚矣。

西北水田關係重大。乞勅行勘議疏

勘議水田

自元臣虞集有京東瀕海一帶水田之議。而未及行。先臣丘濟又言之。而未及議。識者憾焉。頃徐貞明倡于先。蘇鄴徐待力持于後。而鄴且次第試之矣。適工科都給事中王敬民條陳可行之狀。并欲專任貞明奉旨下部查議。此宗社長久計萬世臣民之幸也。臣惟談天下之事難。成天下之事易。成天下創爲之事。

難是以古之君子其任事常專其慮事常慎西北水田最重而大又所創爲者乎徐貞明先令山陰而良臣彥與之同事旣而條陳水利與潞水客談之作臣彥與之同議臣彥信貞明非一日誠專責貞明而久任之其言必底績可逆而睹者然竊以水田之議其不可以不成者有四而不可不審議者亦有四國家定鼎燕京轉漕東南今水利旣興倉庾露積群畿輔皆外府也是昔取諸東南而今取之堂皇之外也此萬世長策其不可不成者一也邇者水旱頻仍民力

告訕而東南爲甚。西北有水利。則東南可息肩。而轉  
轉之費。漕卒之供。所省又幾何矣。此國計長利。其不  
可不成者二也。虜利于馬。不利于陸。誠使近邊之地  
阡陌有限。溝洫有制。虜將望而喙息矣。此制虜長策  
其不可不成者三也。凡議安邊。必先實邊。水利旣興  
民將甘食。美其服。安其居。閭閻相望。雞狗之聲相聞  
昔也曠莽。今也蕃育。此安邊長慮。其不可不成者四  
也。然而西北之不諳水田舊矣。驅而爲之。人將譁焉。  
木田之事方興而徐尚實得罪以  
狗之則有所不能。而違之則有所不可。且事有專官

官有專勅。非若委之撫按。徐徐而圖者可比。有司之督責。能無嚴乎。能以漸乎。能聽其自便乎。緩之則無濟于事。而亟之則有戾于民。是人工之議也。其不可不議一也。且墾田之夫。每一日不下數百。能派之民耶。以爲萬失。將徵之江南耶。千里齎糧。遠赴田作。有望而走耳。將召募耶。往日河工募夫。日銀五分。猶然稱累。何者。官之募。與民間自募不同。勢則然也。臣恐其募之而不可繼也。將勸民自爲耶。脫勸而無有應者。計將安出。且事出于勸。不可以歲月見功也。是墾

田之夫之議也。其不可不審者二也。西北有可耕之地。常無可耕之人。軍習干戈。而安饗其餉。民習干惰。而輕去其業。臣彥往閱寧夏。古所稱塞北江南也。又夙有水田。籍漢唐二渠。不煩微力。然往往就荒。問之曰。足于食而止。何力田爲。故驅之領田。如赴湯火。又嘗閱甘肅。有先撫臣楊錦者。爲墾田之議。而軍不願種。乃分派各堡。另立墾軍。卒之未有成效。頃都御史趙錦之覆議曰。未必處處可開。必有可開之處。未必人人能行。必有能行之人。此言得矣。倘行之而驟。臣

恐後將無措也。是領田之戶之議也。其不可不審者三也。且沿邊無糧曠土。軍民利而私種之久矣。墾而爲田。勢必起科。能欣然就耶。至于廣野有沙壓之虞。水濱有泛溢之虞。但一相度。可無慮矣。是起科之議也。其不可不審者四也。夫天下無不可爲之事。而恒無能任事之人。貞明乃其人矣。臣奚慮哉。又敢爲難成之說。以恐之哉。第以天下事。始乎難。故卒乎易。始乎慎。故卒乎無患。漢先零之役。趙充國以謂無踰老臣。然猶曰。兵難遙度。願至金城圖上方略。及其至金

城上方略矣。反覆詰難。經三數奏。後乃許之。未至金城。卽充國未敢易言也。未經詰難。卽宣帝未敢易許也。蓋事之不易如此。王敬民做充國之意。舉貞明而臣等做充國之意。先勘議。臣與敬民。其意一耳。伏乞勅下工部。會同戶部。查果。臣言可採。覆議上請。量加貞明相應職銜。領勅前去。躬親相視。謀之撫按。謀之司道。謀之有司。謀之士庶。毋以一二喜事之輩。遽以爲可。毋以一二畏事之言。遽以爲不可。毋以人言不齊而阻。必爲之氣。無以前說難爲。而持必爲之心。集

衆廣思、虛心勘議、曰某處可墾、須親見可墾之狀云  
何、曰某處不可墾、須親見不可墾之狀云何、合用錢  
糧、于何取給、合用人夫、于何取辦、民間舊有之業、有  
無妨礙、近邊領田之戶、果否經久、然後次第具奏、請  
旨舉行、而任之以久、無責一旦、奉之以專、無惑三至  
行之以漸、無取一切、萬一落落難合、卽其實以仍  
如舊議、委之撫按、司道、徐徐圖之、見本官體國之忠  
不相妨也、古有大事、必博謀于衆、而後行之、故臣等  
敢效區區之愚、加此、臣等不勝惓惓之者也、

皇明經世文編

卷之

三

皇明經世文編卷之三